

# Blaarsiektes:

## Die spook in die grondboonland

LOUREINE MULLER, LNR-Instituut vir Graangewasse, Potchefstroom

**S**oek kom en gaan en kan 'n produsent baie keer laat kopkrap – veral as dit die kwaliteit van sy oes gaan beïnvloed.

Blaarsiektes by grondbone kan waarlik as "spoke" geklassifiseer word, aangesien van hulle net onder sekere omstandighede te voorskyn kom. Daar kom egter groot probleme voor waar die spoke 'n werklikheid word en daarom moet produsente bewus wees van watter tipes blaarsiektes onder watter omstandighede op grondbone voorkom en hoe om hierdie "spoke" te beheer.

Algemene blaarsiektes waarop produsente moet let, is vroeë en laat blaarvlekke (**Foto 1** en **Foto 2**), spatselvlek (**Foto 3**) en roes (**Foto 4**). Om hierdie spoke in 'n grondboonland te kan opspoer, moet die blaredak oopgemaak word sodat die onderste blare op die plant bestudeer kan word. Indien daar nie voorkomend vir blaarsiektes gespuit word nie, is dit belangrik dat daar 'n goeie sputiprogram gevvolg word sodra die eerste tekens van enige van die gemelde siektes voorkom.

Die ander spook wat veral onder besproeiingsaanplantings voorkom, is *Botrytis* (**Foto 5**). Hierdie swam hou van omstandighede waar die blaredak – veral onder digte aanplantings – nie behoorlik

afdroog nie. Hierdie siekte kan 'n land binne drie weke laat ontblaar as dit nie betyds waargeneem en behandel word nie. Wat die *Botrytis*-spook so gevaelik maak, is dat dit 'n groot afname in kwaliteit van die oes veroorsaak – veral waar lande swaar besmet is (**Foto 6**).

Korrekte landinspeksies is essensieel om te verseker dat siektes betyds geïdentifiseer word. Blaarsiektes is geneig om op 'n gedeelte van die land uit te breek en dan van daar af te versprei. Indien die gedeelte waar die besmetting begin het dan nie vroegtydig geïdentifiseer word nie, sal die siekte verder versprei en 'n verlaging in opbrengs en kwaliteit veroorsaak.

Voorsorg is beter as nasorg. Hierdie stelling is vir die produsent goud werd. Spandeer eerder meer tyd in die grondboonlande en verdryf sodoende die spoke betyds. ■




- 1: Vroeë blaarvlek op grondbone.
- 2: Laat blaarvlek op grondbone.
- 3: Spatselvlek op grondbone.
- 4: Roes op grondbone.
- 5: *Botrytis* op grondbone.
- 6: Saadbesmetting met *Botrytis*.

1



2



3



4



5



6

